



28. februar 2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1. Danmarkimi naalagaaffiup oqartussaasuinut saaffiginninnissaminnut Naalackersuisut sumut killippat, pineqarlutik imm. UKA2023/115 aamma UPA2023/115?**
- 2. Soqutigisaqartunut kalaallinillu sullissisunut allanut Naalackersuisut attaveqarsimanerpat, taakku ikinnerussuteqartutut akuerineqarnissaminnut qanoq inissisimanerat tusarniarlugu?**
- 3. Naalackersuisut qaqugu Inatsisartunut nalunaarusiamik saqqummiussinissartik naatsorsuutigaat?**

(Inatsisartunut ilaasortaq Kuno Fencker, Siumut)

Tunngavilersuut:

Siunnersuutigisimasara EM2023/115 aamma FM2023/115 tunngavigalugu - tassani Naalackersuisut Europarådip nunani ikinnerussuteqartunut isumaqatigiissutaat (FCNM) aamma Europamiut Oqaatsit Imaluunniit Ikinnerussuteqartunit Oqaaserineqartunut Pisinnaatitaaffiinut Isumaqatigiissut (Oqaatsinut Isumaqatigiissut) naapertorlugit - Danmarkimi kalaallit ikinnerussuteqartutut akuerineqarnissaat anguniarlugu, Danmarkimi naalagaaffiup oqartussaasuinut saaffiginninnermik aallartitsinissaq Naalackersuisunut suliakkiutigineqarpoq, ilanngullugu pineqarluni Danmarkimi kalaallit akornanni tamanna kissaatigineqarnerseq misissorneqassasoq.

Siunnersuut Inatsisartut ukiakkut ataatsimiinneranni 2023-mi saqqummiunneqarpoq, kisianni ukiakkut ataatsimiinnermut kinguartinneqarpoq. Maanna qaammatit arlallit ingerlapput, Naalackersuisut Danmarkimi naalagaaffiup oqartussaasuinut saaffiginninnissaat aalajangiunneqarmalli.

Isumaqarpunga pingaaruteqartoq, Naalackersuisut uanga siunnersuutiga suliaralugu aallartissagaat, tassami tamanna Kalaallit Danmarkimiittut pisinnaatitaaffiinut kinaassuseqarneranullu tunngavoq. Isumaqarpungattaq pingaaruteqartoq, Danmarkimi kalaallit



peqatigalugit suliaq Naalakkersuisut ingerlatissagaat, tassami taakkuupput ikinnerussuteqartutut akuerineqarnissamik pineqartut. Naalakkersuisut suliamut atatillugu sumut killinnertik pillugu Inatsisartunut nalunaaruteqartarnissaat kissaatigaara, taamaalilluta suliami ingerlasumi malinnaasinnaaqulluta isummersinnaaniassagattalu.

Piffissaliussap naapertuuttup iluani akissut tigussallugu qilanaaraara, aamma kissaatigaara tamanna kingusinnerpaamik ullut suliffiusut qulit iluanni saqqummiunneqassasoq.